

**PRENTISIAETHAU.
DEWIS DOETH**



**PRENTISIAETH
GOFAL OEDOLION**

PECYN GWYBODAETH 2023



Hoffem eich croesawu i Becyn Gwybodaeth Prentisiaethau Cyngor Gwynedd.

Os ydych chi'n chwilio am y cyfle perffaith i ddatblygu eich gyrfa ond ddim yn siŵr ble i ddechrau, dilyn Prentisiaeth yw'r cam nesaf i chi. Dim ond dechrau'r daith yw dilyn prentisiaeth gan ei fod yn gallu eich arwain i ddilyn nifer o lwybrau cyffrous, megis sicrhau swydd barhaol, neu ganiatáu i chi barhau i ddatblygu eich sgiliau gan ddilyn prentisiaethau ar lefelau uwch.

Rydym yn mawr obeithio y bydd y pecyn yn eich ysbrydoli i ddilyn prentisiaeth ac y bydd ein cyfleoedd yn apelio atoch chi. Diolch am gymryd y cyfle i ystyried ein cyfleoedd prentisiaeth, a pheidiwch ag oedi i gysylltu os oes angen unrhyw arweiniad pellach arnoch.

Gwnewch y dewis doeth. Dewiswch brentisiaeth gyda Cyngor Gwynedd.

Edrychaf ymlaen i ddarllen eich cais.

Alun Lloyd Williams

Arweinydd Talent a Phrentisiaethau Cyngor Gwynedd

BETH?	TUDALEN
BETH YW PRENTISIAETH ?	3
PRENTIS CYNGOR GWYNEDD	4
Y SWYDD	5
Y DYSGU	6
PROFIADAU	7 - 8
BOD YN BRENTIS	9
Y BROSES RECRIWTIO	10
I ORFFEN	11

FFEITHIAU

Mae'r Cyngor yn gwasanaethu bron i 120,000 o breswylwyr bob dydd

Mae dros 6000 o staff yn gweithio yn y Cyngor

Mae'r Cyngor yn berchen dros 400 o adeiladau ar draws y Sir

Mae'r Cyngor yn cynnig dros 100 o wasanaethau

TROSOLWGW

Mae prentisiaeth yn gyfle i chi ddatblygu eich gyrfa drwy weithio gyda pobl profiadol, derbyn cymwysterau a chael cyflog yr un pryd!

Mae prentisiaethau wedi eu llunio o amgylch fframweithiau a safonau sydd yn gyfuniad o gymwysterau sydd yn cael eu cydnabod yn genedlaethol.

Er mwyn i chi fod yn brentis bydd rhaid i chi fod mewn cyflogaeth. Byddwn ni fel eich cyflogwr yn cynnig profiadau yn y gweithle i chi yn y maes o'ch ddewis, a byddwn yn eich cefnogi i gwblhau eich prentisiaeth yn llwyddiannus.

Rydym ni fel Cyngor yn falch iawn o fod yn gallu cynnig cyfleoedd o'r safon uchaf i'n trigolion, ac yn edrych ymlaen i groesawu'n prentisiaid i'n sefydliad.

BETH YW CYFLOG PRENTIS?

OED	BLYNYDDOL	BOB MIS
16 i 17	£ 10,186.60	£ 848.88
18 i 20	£ 14,450.31	£ 1,204.19
21 i 22	£ 19,640.07	£ 1,636.67
23+	£ 20,103.10	£ 1,675.26

CWESTIYNAU CYFFREDINOL

Pwy sy'n cael gwneud cais am brentisiaeth?

Gall rhwyun wneud cais am brentisiaeth os ydyn nhw dros 16 mlwydd oed, yn byw yng Nghymru ac nad ydynt mewn addysg llawn amser.

Beth fydd hyd y brentisiaeth?

Mae ein prentisiaethau yn cymryd rhwng 24 a 36 mis i'w gwblhau, yn ddibynnol ar ofynion penodol y cymwysterau a'r lleoliadau.

Sawl awr sy'n rhaid i brentis weithio?

Rhaid i Brentis gael ei gyflogi am o leiaf 16 awr yr wythnos. Mae ein prentisiaethau ni fel arfer yn llawn amser, sef 37 awr yr wythnos.

Oes yna gyfyngiad o ran oedran?

Na, ond mae pobl ifanc rhwng 16 i 19 oed yn cael blaenoriaeth.

Pa gymhwyster byddwch yn ei astudio?

Bydd hyn yn dibynnu ar y llwybr byddwch yn ei ddilyn. Mae'r fframweithiau Prentisiaethau yn cynnwys cymwysterau o bob lefel.

Ble fydd yr hyfforddiant yn cael ei gynnal?

Byddwch yn cael eich ryddhau o'r gwaith i astudio mewn Coleg neu Brifysgol neu byddwch yn dilyn rhaglen dysgu o bell os yw'r ddarpariaeth yn y gweithle yn unig.

BUDDIANNAU

- 26.5 diwrnod o wyliau blynyddol
- + 8 diwrnod gwyl y banc blynyddol
- Gweithio yn hyblyg - Gweithio o adref, yn y swyddfa neu cymysgedd o'r ddau
- Amodau a thelerau gwaith gorau yn yr ardal
- Elwa o ystod eang o gyfleoedd hyfforddi a datblygu yn fewnol ac allanol
- Manteisio ar gynllun beicio i'r gwaith
- Bod yn rhan o'r undeb credyd
- Elwa o ddisgownts mewn siopau lleol a chenedlaethol
- Cymryd mantais o'r Cynllun Chwarae Plant os oes gennych chi blant
- Cefnogaeth i chi gael bywyd iach drwy gefnogi nifer o fentrau gwahanol ar draws y Sir.

LLWYBR PRENTISIAETH

- Profiadau gwerthfawr yn y gweithle
- Gweithio tuag at ennill cymhwysterau
- Derbyn cyflog teg tra'n dysgu

BE SY'N BWYSIG?

Dyma'r pethau sydd yn bwysig i'w cofio wrth fod yn brentis gyda'r Cyngor:

- Dangos yr ymddygiad a'r agwedd cywir
- Dangos ymrwymiad i'r gwaith
- Cyfrannu tuag at rhoi y gwasanaethau gorau i bobl Gwynedd
- Gweithio'n effeithiol fel rhan o dîm
- Cyfathrebu efo hyder
- Bod yn barod i ddysgu pethau newydd
- Deall be sydd angen i weithio i'r Cyngor

EIN ADDEWID I BOB PRENTIS

Byddwn yn sicrhau ein bod ni yn rhoi blaenoriaeth i'r pethau yma:

- cydbwysedd rhwng bywyd a gwaith
- Cyflog da a dilyniant gyrfa clir
- canolbwyntio ar lesiant
- Hyblygrwydd yn eich ffordd o weithio
- Rhoi ystyriaeth llawn i amrywaith a newid hinsawdd

TROSOLWG

Mae'r Adran Oedolion, Iechyd a Llesiant yn darparu nifer fawr o wasanaethau gwahanol i gefnogi trigolion 18+ Gwynedd. Canran bach ond pwysig iawn o'r gwasanaethau ddarperir ydi ein cartrefi preswyl, gwasanaethau dydd a gofal cartref. Amcan ein gwasanaethau mewnol yw darparu gwasanaeth o'r radd flaenaf i alluogi, cefnogi ac hyrwyddo pobl i fyw bywydau bodlon ac mor annibynnol ag sy'n bosib. Byddwn yn canolbwyntio ar fywyd y defnyddiwr, gan gynnig gwasanaeth hyblyg, gwbl 'berson ganolog' ac wedi ei selio ar ansawdd ac emosiwn. Byddwn yn hyrwyddo unigolion sydd yn defnyddio'r gwasanaeth i gael llais, rheolaeth a dewisiadau dros eu bywydau eu hunain ac o'r gwasanaethau y maent yn eu dderbyn. Pwrpas yr adran yw i alluogi oedolion Gwynedd i 'fyw fy mywyd fel rwyf eisiau ei fyw'

Y GWAITH

Fel prentis yn y maes oedolion byddwch yn cael profiadau amrywiol o fewn yr Adran gan gynnwys:

- Cyfle i ddatblygu sgiliau pobl a rhyngweithio
- Dod i adnabod y defnyddwyr, datblygu perthynas, bod yn ffrind.
- Dysgu am y maes gofal, polisïau a gweithdrefnau.
- Deall egwyddorion gofal a rhoi yr unigolion 'da chi'n gefnogi yn ganolog i bob dim.
- Deall sut i rhoi'r gwasanaeth o'r radd flaenaf i alluogi, cefnogi a helpu unigolion i fyw mor annibynnol â phosib.
- Helpu unigolion 'da chi'n gefnogi i barhau gyda diddordebau oes.
- Cyfle i feithrin sgiliau newydd
- Sicrhau llais unigolion.

YR UNIGOLYN

Rydym yn chwilio am unigolion sydd â diddordeb yn y maes Oedolion sydd yn barod i ddysgu a datblygu eu sgiliau wrth weithio. Rydym yn edrych am bobl fydd yn hapus i dod i'w gwaith bob dydd i gysylltu, cefnogi ac ehangu bywydau gan weithio mewn modd sydd yn berson ganolog.

Sgiliau Pobl

Sgiliau
rhyngweithio

Dysgu am
bolisiau

Deall polisiau a
gweithdrefnau

Cefnogi
unigolion

Helpu
unigolion i fyw
yn annibynnol

Helpu
unigolion i fyw
mor
annibynnol a
phosibl

Datblygu
sgiliau
newydd

TROSOLWG O'R BRENTISIAETH

TEITL: Gofal Iechyd a Chymdeithasol Oedolion (Lefel 2)

LLEOLIAD: Grŵp Llandrillo Menai

HYD: 18 mis

DULL: Wyneb i wyneb

Mae'r cymhwyster Craidd yn rhan o'r cymhwyster Lefel 2 a bydd yn rhoi cyflwyniad trylwyr i'r egwyddorion, y gwerthoedd a'r wybodaeth sydd eu hangen i weithio yn y Sectorau Iechyd a Gofal Cymdeithasol gydag Oedolion. Mae cynnwys y cymhwyster hwn yn cynnwys y themâu canlynol;

- Egwyddorion a Gwerthoedd
- Iechyd a Lles
- Ymarfer Proffesiynol
- Diogelu
- Iechyd a Diogelwch

Yn dilyn cyfnod o ddysgu rhaid i'r dysgwr ymgymryd ag asesiad mewnol ffurfiol, mae hyn ar ffurf tair astudiaeth achos ac un arholiad cwestiwn amlddewis wedi'i farcio'n allanol. Mae'r cymhwyster Ymarfer wedi'i gynllunio i asesu gwybodaeth a chymhwysedd dysgwyr yn y lleoliad gwaith. Mae'r cymhwyster hwn yn cynnwys unedau gorfodol a dewisol. Mae'n ofynnol i'r Dysgwr gyflawni cyfres o dasgau sy'n cael eu hasesu'n allanol yn y gweithle. Ar ddiwedd y cymhwyster mae'n ofynnol i'r dysgwr gael trafodaeth gyda'i Gyngorydd Hyfforddiant cyn y gellir cadarnhau asesiad.

Sharron Jones Rheolwr, Plas Gwilym



Dechreuodd Sharron weithio mewn Gofal drwy ddilyn cynllun profiad gwaith. O'r fan honno mae wedi datblygu i fod yn Is Reolwr yng nghartref Plas Gwilym, Penygroes.

'Mae'r bobl ti'n dod i nabod wrth ofalu yn ffantastig, y cymeriadau ti'n gwrdd! Ti'n cael hanesion trist o be mae pobl di mynd drwy ond 'da ni'n chwerthin, dyna di'r peth pwysicaf!'

'Y cyfeillgarwch rhwng staff a defnyddwyr hefyd, ti'n neud ffrindiau a rheiny yn ffrindiau am oes

Gill Owen Goruchwylydd Gofal Cymunedol



'Mae'n braf iawn cael gweithio yn fy ardal leol, mewn ardal Cymraeg ofnadwy. Mae siarad Cymraeg mewn rôl Gofal mor bwysig.

Os ydych yn chwilio am swydd hefo her a chyfleon datblygu di-ri - gweithio mewn gofal ydi'r rôl i chi.'

Aimee Parry Cyn brentis Gofal, Plas Maesincla



'Mae dipyn o fy nheulu wedi gweithio mewn Gofal dros y blynyddoedd, felly oedd gennai syniad o be i ddisgwyl ond o ni'm yn disgwyl mwynhau gweithio yn y sector gymaint â hyn rili!

Dwi'n mwynhau jyst bod yma yn sgwrsio, gwneud gwahanol weithgareddau a bod yng nghwmni y defnyddwyr! Mae o'n codi calon chi cael codi calon rywun arall.'

Keneuoe Morgan Is Reolwr, Hafod Mawddach



Mae Keneuoe wedi dysgu Cymraeg i Ofalu am eu defnyddwyr yn well.

'Dwi'n teimlo'n lwcus iawn yn gallu gweithio mewn Gofal, dwi'n mwynhau eistedd lawr a siarad efo'r unigolion. Mae ganddyn nhw gymaint i ddweud – hanes nhw, clywed pwy ydyn nhw, beth oedden nhw yn wneud. Dwi'n mwynhau jyst siarad ag hefyd gobeithio yn gwneud bywyd nhw bach haws hefyd!'

Mae yna nifer o fuddiannau wrth wenu prentisiaeth yn Cyngor Gwynedd gan gynnwys

1

Datblygu sgiliau sydd yn hanfodol i'r swydd

Tra yn gweithio gyda staff profiadol, bydd cyfle i chi ddysgu gan aelodau o'r tîm, datblygu eich sgiliau a magu hyder yn eich maes.

2

Ennill profiadau gwerthfawr

Wrth i chi ymgymryd a rôl prentis bydd cyfle i chi ddysgu am eich gyfrifoldebau wrth i chi weithio. Byddwn yn cymryd i ystyriaeth nad oes gennych brofiad blaenorol yn y maes, ac yn cynnig y cyfleoedd gorau posib i chi ddysgu!

3

Cwblhau cymwysterau cydnabyddedig yn eich maes

Mae'r cymwysterau rydych yn eu dilyn yn sicr o agor drysau newydd i chi. Maent yn gymwysterau sydd yn cael eu cydnabod gan gyflogwyr, ac mae meysydd ein prentisiaethau yn datblygu'n gyflym ar hyn o bryd.

4

Datblygu dy hun

Mae Cyngor Gwynedd yn annog pob aelod o staff i barhau i ddatblygu eu hunain wedi iddynt sicrhau swydd. Bydd cyfle i chi ddatblygu eich hun ymhellach a manteisio ar ein cyrsiau mewnol unwaith byddwch yn y rôl.

5

Derbyn cefnogaeth a chymorth profiadol

Tra byddwch yn gweithio yn eich maes, bydd gennych fentor lleoliad, a mentor o'r Coleg a fydd yn cynnig cymorth i chi drwy'r cyfnod. Gallent eich helpu yn eich rôl o ddydd i ddydd, neu gyda'ch gwaith coleg - dim ond gofyn sydd angen!

6

Ennill cyflog tra'n gweithio

Os nad yw mynd i'r Coleg neu Brifysgol yn teimlo fel y cam naturiol nesaf i chi, bydd dilyn prentisiaeth yn eich galluogi i weithio, ennill cyflog, derbyn cymhwyster ac elwa o brofiadau gwerthfawr byd gwaith.

7

Gweithio mewn awyrgylch Gymreig

Gallwn gynnig y cyfle i chi weithio pob dydd mewn awyrgylch Gymreig. Mae'r Gymraeg yn rhan o'n diwylliant ni, a byddai derbyn prentisiaeth gyda ni yn cynnig y cyfle perffaith i chi fod yn rhan o'r awyrgylch yma.

TROSOLWG O'R BROSES RECRWITIO

Dyma drosolwg o'r broses recriwtio

CAM	BETH?	SUT?	PRYD?
1	Cais ar-lein	<ul style="list-style-type: none">Cwblhau ffurflen gais ar-leinTynnu rhestr ferByddwn yn cysylltu gyda'r ymgeiswyr sydd ar y rhestr fer yn unig	Chwefror 2023
2	Canolfan Recriwtio	<ul style="list-style-type: none">Bydd y canolfan recriwtio yn rhedeg dros ddiwrnodBydd y ganolfan yn gyfuniad o dasgau a chwestiynauBydd y ganolfan yn cael ei redeg ar-lein	Mai 2023
3	Penodi	<ul style="list-style-type: none">Byddwn yn penodi ar sail asesu'r wybodaeth o'r ganolfan recriwtioByddwn yn sgwrsio gyda'r geirda cyn penodi	Mehfin 2023 ymlaen

TROSOLWG O'R CANOLFAN RECRIWTIO

- Pwrpas ydi sicrhau eich bod yn cael y cyfle i ddangos eich potensial, ymddygiad ac agwedd
- Mi fydd y Ganolfan Recriwtio yn cynnwys tasgau a chwestiynau
- Mi fydd y tasgau yn rhoi cyfle i chi ddangos eich ymddygiad ac agwedd
- Byddwn yn rhoi copi o'r cwestiynau ychydig cyn y cyfweliad
- Mi fydd disgwyl i chi ateb un o'r cwestiynau yn y Saesneg
- Peidiwch â phoeni, mi fyddwn ni'n cyflwyno'r disgwyliadau yn llawn i chi ar y dechrau

AM FWY O WYBODAETH



www.instagram.com/prentiscg



www.facebook.com/prentiscg



www.twitter.com/talentgwynedd



prentisiaethau@gwynedd.llyw.cymru



www.gwynedd.llyw.cymru/swyddi

BETH NESAF?

1. Dilynwch ni ar y cyfryngau cymdeithasol i ddeall mwy am y Cynllun Prentisiaethau
2. Gwnewch ymchwil i mewn i'r Cyngor ac i'r swydd
3. Agorwch gyfrif ar Wefan Swyddi y Cyngor
4. Dilynwch y Canllawiau Cais. Os hoffech gefnogaeth wrth ysgrifennu eich cais cysylltwch hefo Gwaith Gwynedd ar: 01286 679211 neu mi fedrwn chi e-bostio gwaithgwynedd@gwynedd.llyw.cymru
5. Cofiwch am y dyddiad cau

Gobeithio bod y wybodaeth yn y pecyn wedi eich ysbrydoli i geisio am y swydd

Gwnewch y dewis doeth ar gyfer eich dyfodol

Dewiswch Prentisiaeth yn Cyngor Gwynedd

POB LWC !

